

龍壁山房詩草

吾幼也孤授詩母日長而失教讀熒熒與嬖守哀吾生其
無聞身與世兮叢咎獨空文之是溺屢罔悛爲心疚觀其
靡所得於先亦安有望於厥後噫嚱乎已乎未也歲則逝
矣旣弗能爲暇屣之遺又安用此千金之帚

咸豐九年屠維協洽冬十二月龍壁山人自題

龍壁山房詩草卷一

已未集 庚寅至辛丑

馬平王拯定甫

江亭

激澗斜陽外，廉纖微雨過。春疑殘夢短，愁與落花多。獨雁哀如此，浮雲恨若何。江亭倦修禊，孤館積煙蘿。

壺城雜詠

方塘達泉脈，迴波澹容與。上有白頭漁，一竿釣秋雨。

方塘

細雨淡曉色，數峰圍玉屏。海棠開未了，紅上錦秋亭。

錦秋亭

半畝羅池在孤亭，錦樹隈橘香。三百本留待我歸來。

羅池

古洞闕涼秋，松顛白雲駐。山風吹落木，泉聲不知處。

鯉魚巖

將進酒

君不見，淵明歸去來，呼兒種秫城東皋。又不見，謫仙之人

李供奉長安市上稱酒豪我今不識杯中趣但覺此意如
雲霄試解杖頭錢把我金叵羅芳草綠天末東風扇微和
萬花開處如綺羅黃鸝紫燕青春歌清風明月不用一錢
置此時不飲當如何不見黃鵠哀王母頭先饘咸陽大門
起灰燼建章宮闕徒嵯峨東門黃犬對兒泣北平故將逢
劇訶豈如頽然臥楹殿醒來一弄耕田歌仙風颯然動簾
幙舉頭明月蟾光薄手底金波潑灑生花枝忽映深杯落
吁嗟乎夸父窮追何太癡杞人多慮亦何爲秦皇漢武今
安在我欲餘杯一奠之

少年行

洛陽酒樓官道傍銀瓶酒熟春風香市門重開日卓午雲
飛不度青天長誰家少年繡襦褶呼兒盥灑羅酒漿妖姬

雲霄試解杖頭錢把我金叵羅芳草綠天末東風扇微和
萬花開處如綺羅黃鸝紫燕青春歌清風明月不用一錢
置此時不飲當如何不見黃鵠哀王母頭先皤咸陽大門
起灰燼建章宮闕徒嵯峨東門黃犬對兒泣北平故將逢
尉訶豈如頽然臥楹廡醒來一弄耕田歌仙風颯然動策
幘舉頭明月蟾光薄手底金波瀲灩生花枝忽映深杯落
吁嗟乎夸父窮追何太癡杞人多慮亦何爲秦皇漢武今
安在我欲餘杯一奠之

少年行

洛陽酒樓官道傍銀瓶酒熟春風香市門重開日卓午雲
飛不度青天長誰家少年繡襦褶呼兒盥灑羅酒漿妖姬

摘阮語悽惻令我忽忽悲中腸君不見長安甲第凌雲起
車馬盈門靜如水高堂客散燈火稀尙書鄰行金房裏車
鳴夜半收者來明日當嚮積穀堆珊瑚七尺不敢獻粉屑
著地生莓苔十年不過朝天路爛醉重經舊游處昔日豪
奴作好官王孫卻傍平康住古來世事如滄田侯王大宅
還相連琵琶分明不敢訴但願歡樂長年年我今悲來淚
如雨街頭買刀五尺許再拜焚香慘不語昨夜城頭太白
懸高秋蹈海刺犀吾與汝

嚴關早發

野戍頻雞唱籃輿趁曉行秋聲攢樹急山勢束關橫冷雨
飛殘夢新寒犯獨征道旁閭堠立車軌正時清

洞口遲客

洞口薜蘿陰空山花氣深亂泉分白石嬌鳥哢青林十畝
仙居樂千年喬木陰還思寇先侶一爲鼓瑤琴

虞山有寄

昔日城東侶相從每醉還貪看樓外水重踏雨中山野鳥
能迎客林僧常閉關結廬頻有約幽夢未應閑

彭子穆

昱堯

歸平南時學使楚雄公新喪余送子穆亦

將歸柳州也

海上成連去秋風一夜生此時抱綠綺淒絕雍門行落木
含商氣清歌懷徵聲君行坐孤舫高調復誰評

舟中風雨望衡山不得見

我來直挾湘流東江山變滅誇清雄昨下零陵望衡嶽挂
帆未覩神先融江頭鼓枻羨飛鳥一雨十日愁篙工朝來

湘水凡幾折狂飈作浪搖孤篷此時天地在蒼莽雲霧噴
洩神靈宮中峰高絕落天外萬仞合沓青芙蓉我知元氣
闕造化炎荒屏翳神爲功逶迤寶蓋導仙馭鞭叱箕伯驅
豐隆蕩滌山川淨邪濁詎有靈降齊高崧山中白衣如可
逢我欲青天騎白龍未能攀陟叩昏靄但見幢節遊虛空
平生五嶽始屬目怪此奇景訶溟濛江船夢醒出湘口山
巔嶽寺聞清鐘明日鳴榔泛巴岳還思五兩邀神風

窯頭口月夜望大江同雷學博

大江東來高拍天天東月出江心圓布帆一日出江口水
天景物何鮮妍昨從滎陽渡河來炎天酷烈愁車轡十日
買舟溯江漢始覺身骨稍輕便襄樊一帶擅林麓船頭風
日來無邊燭來江月始生魄西岑日落山蒼然殘霞捲空

雲浩浩微波蹴浪風仙仙江明夜定星斗懸玉繩百丈相
鉤連中流浩蕩接湘漢龍宮混淪玻璃鮮此時百怪定潛
匿照底不用靈犀燃江船打鼓夜潮上金蛇出水何翩翩
平生襟懷喜浩落篷窗局促憐微蜎今宵意氣倏增長舉
杯屬月心神恬江頭漁子臥晚笛白鷗亂落如飛煙何當
醉墨灑蒼壁大呼驚起蛟龍眠

題雪棧圖

梅天霽雨漬苔斑五月蟲聲出井欄怪底江山秋氣早畫
圖風雪不勝寒

畫蘭便面

一篙春水汨羅渾暮雨瀟瀟欲斷魂千里湘流人不見卻
從何處託靈根

北風二首寄彭子穆

北風起蘋末寒氣沍江城出門何所詣舉步失逢迎昔人
感交結契合南北溟與子生同方乃復同術營一昨京華
游歸來求友聲交衢斯須立頓令四海輕子歸賦將母余
亦休行滕下堂傷其足兩月憂患嬰饑來驅我出使我心
怵怵桂山何寵從桂水方激清之子不可期有樽空復盈
人生貴自得我言懷抱傷子歸及歲暮采菽奉高堂親戚
來笑言酒食相餽將團樂話蟋蟀少長排雁行余生遘凶
厲懷抱離井鄉二親捨我去七齡淚浪浪有姊寡且獨卵
育望我長今年齊弱冠難爲閭里光子其善自愛吾已何
所望誰云列鼎榮能敵負米強

清明日同彭子穆

昱堯

唐子實

啟華

謁呂禮北先生

璜

墓作

嶺外慚荒僻高門望典型
寒帷悲脫履入室有遺經
憶共彌留語能毋涕泗零
同來思築室衰草已青青

寄訓晏雲唐丈

啟林

廣州同李小韋

宗瀛

黃香甫

錫祖

作

朔風起庭樹分袂各依然
此夕不成醉相思空復年
眷懷同素侶凝望惜遙天
欲采瑤華贈臨風孰與傳

出門

我生甫一齡皇天奪其怙
能言襁褓中曰誦唐賢句
飢食與寒衣曰惟母絲縷
時時棗栗索肯撲隣家樹
七歲著荷衣晨興就鄉傅
歸來呼病榻痛母長眠去
大父時耄衰蒼黃泣如雨
童年兩兄姊與我遂孤露
大姊嫁彭城夫家早

崩殂折書招我至性命始得所童惛苦癡咲負氣猛如虎
十歲強之學讀書殊莽鹵朝眠及日晏嬉戲沙園圃老塾
憐我孤薄戒免夏楚羣經未畢業帖括先塗附十五謁黌
宮游觀徧廊廡翻然自激盪慷慨謬期許稍知經九七何
乃論四部鄉僻罕師傳免園惟冊簿前年秋賦興猥與計
吏伍行塵附傳車光輝到羈旅神都拱北極憑高控四字
巍然宮闕壯試席南宮布誰能辨晁賈射策漫覩縷雖然
無遠志薄植良知懼五月京師熟言歸別天府所知亦留
戀浩然不可禦捧策向宜城停鞭嗟暑雨十程九泥濘蹇
騾歎跋扈夜行苦輶飢野宿投荒莽迢迢盼所戚默默愴
延伫黃鵠自天來江魚拜風舞南浮洞庭曠四望迷島嶼
快哉五兩輕淅淅將煙艫秋色下湘灘團欒正三五空還

餘萬里情話獨嫗煦阿姊喜我歸具食忘貧窶兩甥長並
我婉婉弄機杼相聚曾幾朝橐筆行傴僂才疎齡石札居
隘伯鸞杵桂林山水地羣峰莽旗鼓六棺痛伶俜蕭寺久
支拄稽首告先靈佳城覓西塢豈忘首邱志遠涉恨修阻
幽宮暫窳窳有待意酸楚十月天風寒山村雨如注經營
就畚揭淚血溼乾土塋域二頃田百困歲誰取買置良可
致鋤耰亦我與人生貴自得耕讀吾家素稷卨在廊廟願
爲溺與沮兒諳齊民書妻聚農家女盛世安耕鑿橫經復
學古鮮魚羅俎豆齋食充盎缶柰無百緡長蕭條歎環堵
歲晚春風溫州家告鄉舉所厚咸贖餽促迫不能拒阿姊
病在牀呻吟日有瘋朝來勉加餐勸我結儔侶我去心志
亂我畱又不許薄暮出門行堂前照列炬姊病強起言我

疾行且愈汝出志宜壯無爲攪腸腑長途慎風波遠道戒
寒暑孝弟首敬身此志天所予掩涕識茲訓惺然聞猛簾
拏舟向江干明月照煙澈宵征黯無寐清淚灑洲渚人國
重材良艱難望棧柱嗟予本樗散弱質同柳杞濟施豈我
力離別乃逾苦道旁神靈宮赫赫誰所主長跼告芬潔中
誠自獻剖我志鄙膏粱我心陋華膺平生殘骨肉所願作
蛩駘富貴五鼎烹惟牛問奚補俗生夸六印堪笑一腐鼠
我行日以遙惻惻歎靡鹽飛鴻亦晨征懷哉此孤羽

朱濂甫編修

琦

索觀近詩走筆奉柬卻寄諸友

衡湘以南多奇峯拔地而起凌蒼穹森然百怪恣奇變不
知盤古以上何以搏結開鴻濛我昔五載游擔簦提榼無
時休棲霞樓閣在雲表桂花開落空山秋灘江水作玻璃

響江上瓜皮划蘭槳灘流淺急有篙聲洞口漁舟自來往
有時月出西巖靜鐵鑊銀笙亂烏榜訾洲煙霧曉濛濛萬
角寒山氣蒼莽一從計吏來騎驢客京縣擬乞大官升斗
米拋卻山中白雲練燕姬十五顏如花洗朱學月雙髻丫
春蔥銀甲鷓鴣絃撾江東賈客大腰腹泥飲不識人含沙天
涯作客有如此閉戶忍饑良有以朱子好文學與我結交
慰離索朝回獨宿玉堂清古調松風彈落落榻來相見索
我詩突管無靈苦蕭索蒲桃綠蟹殼青天街月色涼如冰
與君把酒傾如澠西山雲樹揖窗戶絕似逍遙樓閣凭山
中猿鶴好相待他日歸來攜酒朋

蘇虛谷同年

汝謙

屬題屠埔畫山茶便面歌

一搦雪香白中嵌頰玉杯招涼不須酒搖動清風來褐衣

季子京華客六月炎氛消不得聚頭涼友爛銀膚塗抹腥
紅弄顏色曼陀羅樹千葉花就中寶珠名最嘉洞庭山人
筆端老鉤棘落手片片生明霞長安城中日如火窖裏堂
花斷花朵玉泉山頂紫煙重飛出雙龍赤雲裏街頭酒家
宵斫冰華筵寶月飛金輪妖童昵客作絮語手攜六角學
掩唇謝公蒲葵侈大雅醉裏掩匿宵非真城頭柝擊蟾光
墮爛漫歸來馬蹏頓行過東隣一桁簫亂絃嘈雜龍皮漣
紙屏石枕溪橋宅一握松涼野蕭瑟何當歸去海南春與
子褰裳訪仙客

長夏都門絕句

天街小雨放新晴赤日行天溽暑生睡覺日長無箇事午
牕銅盞一聲聲

插架牙籤亂葉堆金甌小鼎傍樽罍白蘂清冷紅蘂豔買
得瓶花次第開

竹棚高架四圍遮漠漠輕陰透碧紗最是夜來風雨急扁
舟清夢入蘆花

東隣小屋傍高槐轆轤車聲動晚雷一桁碧雲飛不起玉
簫吹上月明街

擬古贈陳抱潛

元祿

天地大鑪冶陶鎔出菁英古今一代嬗澗色被文章伊昔
暢皇風廢歌起陶唐雍容三古民文治相勦削戰國苦兵
革暴秦慘儒坑漢興屈羣策樸野氣不昌武帝志高邁斯
文賴扶匡試策闡天人說經抽芽萌清流沿魏晉大雅失
齊梁哀文振元和絕學修南康綿延僅一綫尤維殊紛靡

彼哉蜉蝣子楚楚憐衣裳蝨簡拾後慧災梨噉浮名百衲
無完襦衰流多絕潢其中亦何存巧言鼓如簧遂令絳灌
才笑訶差洛陽開國富文物遺民抱忠良雅宗數子輩抉
漢排天閭束髮志高舉聞風欲追驤門庭分漢宋頗覺斗
筲量矧茲世末俗如沸如蜩螗文字藉身謀諂媚乃無方
高門託周秦斯道懼淪亡稱心發雄文大鳴誰琅琅我昔
受書日羣經味膏粱列史惜紛拏剖析孰與商頻年困微
賤挾策干朝廊歲月忍拋擲風塵走徜徉靈性久汨沒令
名復何望中宵起坐歎擁鼻悲寒螿秋蟲春鳥聲哀怨激
枯桑吾子起於越傳家富琳琅神驥奮蹴踏坐令萬馬僵
茫茫人海中斗室羅縹緲以茲窮日力所至安可量今年
齊弱冠玉立青松長昨宵危牕發襪被眠東廂毋將萬古

心焦熬累中腸泰岱有元根江河歸大藏蛟龍起蟄伏鸞
鷺應嘉祥耳目無真材塊壘愼所將末流誇幹濟高閣束
堯湯張弛極紛紜補苴慚未遑大樂奏韶韻黼黻升明堂
庶事苟不愆永年惟樂康誰能宏此謨明刑服孫穰繫予
早孤陋壯志徒飛揚因君發豪吟志欲高三唐城南花事
好君起共攜觴

南交有一士篇投湯海秋郎中鵬

南交有一士少小氣嶮奇十年困奔走侘傺心不怡驅馬
入京門三年長絡羈長安十萬戶悵悵欲何之昨歲屈春
賦彈冠謁天墀挂名列東曹使我親勾稽稽生七不堪我
乃百無宜朝見墨綬徒懷若親嚴師平生志恢廓瑣屑奚
肯爲春風萬里來惠然庭戶披髯乎適何之握手軒雙眉

秋鷹拔風塵燕雀相嘲噓神驥奮蹴踏坐令萬馬墮賢豪
氣蓋世齟齬睡與淚不圖矮屋中屈曲蟠龍鰲微生苦狹
隘黽勉藏釜寄如何相拂拭毋乃辱所知清晨造我私邸
舍明朝曦牛腰持示我壯氣生淋漓韓憤眾方疾賈哭世
所疵功名爛市屠勲伐崇牧兒諸公淹雅才老大徒傷悲
一封朝論列夕命隲顛危以此卜運會明日將匪宜著書
手腕脫雪案盈千堆可憐耗精血慘澹幽冥追誰能相賞
析轉欲肆齟齬世無芭識雄徒令覆醬欺走也實微眇關
畧情性癡讀書一無成泛濫百氏窺門庭久衰薄謬欲青
雲馳一爲墮塵網舉足成參差豈惟觸藩羊遂作曳泥龜
逝將弃此官言歸南山睡聳我柏下廬植我園中葵故山
望不到罪悔空漣洏東南方用兵兇燄熾島夷溟波歟飛

揚勢欲滔天來生民苦荼毒

聖哲宏仁慈人生一世

間冠履各有宜國恥未能雪分爲馬革尸明當買吳鉤蹈
海馴鯨鯢一身不自保瑣瑣安可知吁嗟抱此志晝日首
空垂霹靂起蛟螭飄風聞馬嘶艱難有同氣披瀝乏雄詞
哀音厲以長毋使俗者嗤

尺五莊次海秋韻

京洛盛文讌風流懷百年池臺餘後起花木麗晴天蟲語

新涼健林陰卓午圓江亭芳草地寥落有誰憐

謂陶然亭新地

一帶壘楊裏青帘出水莊小橋支斷木新漲落迴塘露菡

千紅定風蘋萬綠狂余情方汗漫休復怨馮唐

綠水漾紅葉芙蓉面面俱素衣香自滑嬌靨醉難扶泥飲

思金谷長歌醉望諸此時哀樂意顛倒惜窮儒

年來人事感搔鬢自疑翁小劫搏沙後新交屠狗中池花媚朝旭園柳怯秋風沉飲呼園叟生涯與爾同

大風雨夜作

天意竟誰測客愁殊未明雲雷生暗壁風雨逼殘更中澤況聞雁南州方苦兵吾生那足道欹枕若爲情

和蘇虛谷枕上

落月下如雨空齋秋不勝客心炤孤月蟲語逼殘燈酒醒他鄉夢鐘敲何寺僧龍鬚席未捲霜氣欲生棱

重九日同人遊崇效慈仁諸寺歸飲酒肆

城南諸古寺懷舊幾來經不見花鬢紫惟餘佛髻青梵聲當午靜槐夢入秋醒倦策逢僧話駟車好暫停

東南諸老盡花木四時荒風雨餘龍子丹青剩鴿王斷垣

分篠竹深院護巫揚若許同龕借渾思襪被將

斜日重闌下寒煙古屋生上方移塢影歸路趁鍾聲剩有
思親淚甯無出世情狂遊得吾侶一醉判宵更

戲贈錢萍石同年

寶青

綺窗月出玻璃鮮華光照見金沓然珊瑚牀高倚屈剡寶
押不落珍珠圓錢郎翩翩年最少新詞百闕誇英妙一著
宮袍宴曲江馬蹏落井千花笑翠裘蒙茸冠著箕玉白吳
兒相見癡金樽滿泛持勸客願此長夜無還期梨花白墮
秋缸美蓮漏森沈燭花喜黃金拋盡夜何央推倒玉山扶
不起玉山醉倒三千年長安市上幾謫仙人生如此自可
樂不見蓬萊水涸生飛煙城南夜靜霜街滑襪被歸來臥
殘月明日相逢閣道西朝衫露溼風侵骨

書孫琴西同年

衣言

詩卷兼寄張亨甫

際亮

閩中

孫郎妙筆今謫仙海東張子爲我言長安市上一相見翠
眉頭玉神軒軒揭從人海經年住有似寒雅棲古樹天門
鵬鶚盡驚騰倦翮離襟不飛去走昔少年矜結交世間萬
事輕鴻毛秦樓大醉換歌舞采雲飛落青天高自從騎驢
客京縣兔園日挾心煩勞大官斗米食不足山中猿鶴空
嘲嘲金臺八月秋風早垂楊萬樹空絲裊城頭月出亂樓
烏屋角霜寒被枯篠十千買醉醉復醒只合君詩散懷抱
黃河水落天西頭風濤蕩激神靈愁蘇門長嘯我能識褒
城痛哭君何尤海內青雲今幾輩天涯落拓嗟行聊人生
相遇幾相識笑把金龜與君擲摧眉折腰竟何爲爛醉狂
吟聊自適張君別我春復秋歸眠蘿薜行且休海東兵氣

儻銷歇與子須泛沙棠舟

夢賴子瑩

其瑛

二首

明月照我牖蟋蟀居我壁落葉走前軒寒風苦蕭瑟離居
寡言笑獨寐陷憂戚惠然君胡來握手卽我室平生有要
約片語露肝膈寥寥海雲長漠漠庭陰積離合本何常去
來那易測攬衣起中夜倚案孤檠立

吾生拙儕偶興懷每孤特茫茫人海中舉步靡所適賢豪
匪可援關耳羞與立逡巡衣帽接輾轉情性朱君家五華
側幽構娛水石殷勤縛茆龍與孰共晨夕落瓠嗟無用蒸
菌或有及早霜衾枕寒坐待東方白

載送虛谷同年南歸並寄桂林龔孝先

一貞

蘆花頭白天雨霜飛鴻肅肅雲中翔天涯行客去略盡執

手欲語天蒼涼長安城中雪盈尺去年送君遊輔邑西堂
煮酒夜共餐東郭跨驢朝獨入琉璃百末酌滿杯柳棉如
雪君重來御溝荷花三百柄雲錦十里臨風開天橋酒樓
與君醉坐待西山月出照見金鰲玉嶺百尺之樓臺九門
詼蕩飛華軫紫帶金章聯鞢鞞君方捧策遊槐市我亦懷
香謁蘭省風檐夜月深窺幕拍案豪吟重坦率漢廷老宿
我見畏隻字單詞苦齟齬君今拂袖歸去來黃金斗大將
何爲得亦不足喜失亦不足悲高堂白髮開口笑世間萬
事俱塵埃桂林十月東風早嶺上梅花含萼小君歸正及
灘水枯試探前村一枝好象岩之北龔子居寒山臥疾今
何如春來南雁正北向好與寄我空中書

陳蘭谷孝廉

庚銓

出都

九尺珊瑚屈膝橫綺窗釵蠟照筵明錦鞍繡袴渾閒事賺得流鶯住久聲

蘆溝橋畔水流東獨客輕裝冒雪風醉裏不知京國夢馬頭殘月曉濛濛

歲暮寄李小章桂林

兩年京國風塵惡萬里江鄉問訊疎別後新詩增幾許春來舊疾定何如文章海內銷塵土烽火天涯急羽書倦翮離離不歸去側身南望渺愁予

車中作

蹇策倭遲大道旁黃金臺畔氣蒼蒼九門甲第聞鐘鼓一角西山見夕陽玉靶風酸鳴鐃手翠裘雲重射雕場高樓百尺人何在寶鑑新愁黛色長

對雪

峭寒風漸息蕭槭在空林一夜城中雪誰家門外深檐花
飛玉戶庭樹列瑤簪何處白龍尾西山露一岑

燈花

玉蕊垂垂發寒光滿一篝不知何事喜未解主人愁鬢影
消除易家書寄達不夜深茆屋裏長記豆棚秋

龍翰臣同年

啟瑞

來自武陵辱以詩草屬訂卽題其後

桂林山水甲天下平地蒼玉立嵯峨十年探奇興不盡虞
衡一志餘偏頗東山七星何磊落西巖六洞憑森羅玉華
南來天地隘海陽北去風雲多爲熊爲羆爲虎豹如獅如
象如龍壘拂雲龍蓂翡翠樹拔地峯嶺珊瑚柯山川鍾毓
幾奇士舊遊歷歷曾相過商君雄才久淪落

麓垣

龔子駿

足還跌蹉後來彭生富文筆

子穆

蘇唐秀茁瓊山禾

虛谷

識君最晚城北郭僻巷夜靜聞吟哦清朝廣眾一相見門

前鵠立衣猶荷浮雲荏苒各奔走頻年契闊堪煩覲長安

綺陌春事早城東蕭寺逢逶迤就中聘閱有夙契

鶴初鳥

鳴伐木欣爲國新詩袖出各傾倒南轅倏復驅疲騾我歸

傷足滯郡邑

戊戌歸郡城病牕兩月

黔江尺鯉來牂牁報詞苦語不

可聽繫我肺腑無訑詔明年獻賦又京國老死不分甘荊

和南宮中策驥尾附金門玉珮同委蛇臚聲宣出御階曉

鰲頂直上金鑾坡雲霄咫尺看君去九門洞啟青驄馱簾

才我自百無分東曹畫入稽叢苛自從天橋與君醉花前

一別情消磨幽州朔風寒徹骨雪花萬片明滹沱君行攬

轡有清興夜窗凍筆燈前呵呵遊蘇李致瀟灑枕函得句

能切劘晏嬰身不滿六尺旁人錯笑侏儒矧木棉花開豔
如雪春風十里鳴雕珂書來貽我湘水曲玉質落手光含
嗟千秋雅抱辱相待要我正法降羣魔邇來吾道苦榛莽
附塗惡戲如拋堦禮衰樂絕那可道江水日下忘岷嶓雲
龍角逐孰韓孟賞奇鬪險鑄乖訛置身磊磊在嵩華下視
坎壈誠么麼淨名眾瞰耳目異大言偶發羣兒戲我生服
此自小弱縱軫突兀無妍嬰有時乘興浪走筆長吟短呻
懷古病京門飛鞚盛車馬飛沙撲面塵積軻朝來聽鼓畏
僵僂修容入廐慚顏酡敢言經緯期管樂自苦美佞無朝
能閉門不出轡馬臥秋霖十日生庭莎讀書鹵莽惜虛牝
枉復雪案書千螺夜寒清夢到江潯蘆花萬頃披漁簑城
南數子有文物相從日夕談義嫻海棠花寺暮相訪明燈

影出紅雲窠湖樓看花酒痕碧樓前楊柳垂青綯渾忘職
事在官府顛倒卻著烏皮鞢西風冽冽撼庭戶晚檐落葉
飛藤蘿停車仄巷聞剝啄握手一笑消煩瘥新詩示我如
束筍黃昏燒燭燃飛蛾天河倒翻蛟蜃怒匣劍嘯出星辰
訶豪情徑欲跨魏晉苦心亦復求陰何看君造詣有如此
竿影日上疑飛梭撐持天宇志恢廓豈合一第論高科念
昨東南報河決頗聞城邑淤漩渦海中鯨鰐露瓜齧血月
狼藉剝蒼髭賢豪于世要有用詎暇飲酒能高歌要當鰲
足奠四極江海萬里平風波袖中奇策獻天子剗犀蹈海
揮長戈歸來拂衣謝簪組茅龍往縛青山阿男兒此願那
易遂手無尺柄心則那我言徒大衆所紉願子巨刃青天
摩中興大業勒崖巘青琳十丈刻蚪蚪明堂金石奏雅樂

鴛鴦在列側并栽桂山東堂新築室逝將去汝適澗蕙待
君歸來各綺皓情鼎品列排犧獻人生心力在少壯儒術
自古崇參軻聖朝英俊出館閣精金鍊入青沱堦好官
豈獨耀清美禁署頗牧今誰何雄篇巨筆聊快意他山之
石宜切磋高筵沽酒爛歌舞玉垺自酌蓮花醪酒酣耳熱
不稱意擬拓一石鳴鐙落華鍾殷地金闕曉鳳鳴鶴和聲
相和

悼亡八首

作繭春蠶死未休生憎薄命嫁黔婁平生百事乖離盡枉
復人間誓白頭

十年婚宦謾清貧塵世茫茫未了因玉鏡風光纔幾日篋
衣愁檢梳痕新

微雲池館帝城偏
滄海珠沈月化煙
惆悵春風花下立
美人蘭夢祝清圓

九衢何事逐浮沈
長抱西風一片心
絕憶蘆簾風雪裏
夜窗燈火話嬰砵

江鄉秋老綠蕤絲
十幅漁簑辨已遲
萊隱風流真負汝
荆釵椎髻入山眉

翠薄銀釭伴著書
玉蟾秋影碧蘿疏
而今畫諾歸來晚
長簾空牀自埽除

荷鋪劉郎癖酒卮
傷心瓶杓爲君辭
雪齏風調堪重省
夢醒燈殘酒渴時

歲華長鑣殞宮秋
何日相攜隴畔舟
地下關河魂不隔
故山歸去傍松楸

十二月二十三日同姚子箴大令

輝第

翰臣萍瓦遍看

城南窰花歸飲酒肆

旭日挂檐檐鳥呼城南窰花魂始蘇官閑歲晚宜清娛看
花結伴巾我車花工幻術古所無市門窈窕藏葦蘆紛紛
資玉堆盆盃媯紅姹紫密或疏居然赤手迴春枯老梅古
槎霜雪臞傲兀亦與凡卉俱譬如傑士懷遠圖時艱粥粥
隨凡夫淩波仙子黃玉膚翠衣珊珊來藐姑歲寒有汝德
不孤平章三五欣吾徒買歸競欲金錢輸春風冉冉懷我
都嶺雲不凍春山蕪虬枝蟠天粉雪鋪鶴頂爛若腥紅塗
黃塵輾輾我馬瘠天橋酒家行可沾沿街爆竹春聲鑪當
門半貼鬱壘符燈前笑樂忘牽拘夜深漏滴傾銅壺醉歸
背騰策轅驚寒宵遠夢生江湖攬衣起坐心踟躕作詩索

和如追逋眼前莫放殘歲徂

梁九基南歸

門前車馬來有客將遠歸子來秋始半春風倏披幃時物
幾遷移關山鳥倦飛豈不惜子去誠知久客非君行計日
月褰裳拜庭闈白髮笑堂前童稚問牽衣人生骨肉間
勉相因依團樂有餘樂跋涉空危機

繩束風雨親朋友亦云樂矧吾與子舊歡好由鼎角京塵
揚九陌閉戶共藜藿羈孤憫窮宦慚邁豎鬼惡強魄幸可
支兩月困纏縛艱難賴匡扶相對憐索莫寒窗梅蕊新病
起辭靈藥邈迤君又去送子歎垂橐瀕行樽酒將莫厭市
沽薄

丈夫志四海墮地射蓬桑辭家遊萬里愛子神飛揚我知

君有懷鷓鴣非所量
浩歌行路難閱歷幾風霜
不見長安陌金臺餘夕陽
古來英雄士屠狗與賣漿
藉其不逢時粥粥誰短行
矣君莫迴我意先傍隍
團團兩鶩瀑日夜流清
泔

龍壁山房詩草卷二

已未集

甲辰至丁未

馬平王拯定甫

春日雜詩

新陽滋土脈萌達被邱原天地豈其私萬物各有恩
東隣老穀樹枝葉特翻翻種竹傍庭砌叢篠苦未繁
同茲雨露澤稟氣獨何葩浮生逐大化樞軸道何存
得喪理不齊誰能指元根魯連憤者隘漢公會其屯
所以董相幃低首不窺園

幽谷有山泉春流殊浩浩盈科進不已勢欲百川導
濟物由有餘豈云一朝暴方其時閉藏蘊蓄在秘奧
北陸有鉅澤夏秋積雨瀑橫流懷四野幾日成枯澇
眞源識內充虛願悔前躁歸來將閉戶一室自灑掃
抱獨誠可欣未敢冀

深造

雞鳴朝日升百族何營營顛倒苦不足造物絀所生檐前
蔭嘉木上有好鳥鳴密葉抱新穀喬柯多遠聲聊當一枝
借詎羨九苞榮高飛謝黃鵠寥廓任縱橫

幽蘭生空階不與衆草隣未當主人盼華萼自青春清風
時被服馨香不爲人何用採折爲芳性葆其眞

甘澤降時雨東臯日霏霏遙思南畝翁日夕荷鋤歸春耕
秋有穫力穡願不違我慚田父勤蹉跎幾芳菲雖無豚蹄
祝豈願情豐饑門前桃李花灼灼自光輝巖阿有松桂後
彫知者稀

三月廿五日梅伯言先生

曾亮

六十生日同人讌集龍

樹寺次邵位西舍人

辰

韻三首

元樞萬化宗悠久出貞靜達人窺道原履坦得眞境蕭然
羣國中摩此寸靈炯時艱方厝薪世事狼藉黽悲愉豈相
闕浮妄悉已屏微官暫祿仕僻處稀朝請閑園蒔花竹歲
晚伴孤冷河海近清平多事幸無警百年有壇坫長願牛
耳秉

斯文世英華厥妙本虛靜異說正多方支離懼殊境夢夢
塵霧餘白日殊自炯遠響厲霄鴻繁聲謝池鼃瑾瑜出光
曜纖惡就除屏方姚昔廓摧斯事日有請聲聞力追關執
戟甘閑冷江海一波濤玉雪益清警相從古訓敦有獲庶
遺秉

嶷嶷吾黨英避熱各就靜幽潛崇古尚榮辱忘世境蛟龍
抱冬蟄鸞鳳翩朝炯不材最游惰彊事亦黽黽造門屢晨

夕勞攘時自屏嘉辰風日清三五黃鸝請來看龍樹清莫
遣春杯冷婆娑文酒宴荒忽賴鞭警來時茲會數良夜燭
堪秉

出都言懷

歲歲秋風思單車且賦歸微官空復爾少日已全非會計
才先拙馳驅願易違晉州烟雨窟時物幾芳菲

桃李花三月春風滿帝州驅車纔幾日風雪漸颼颼江
海幸無事田廬各有秋翺翔指南雁應爲稻梁謀

抱剝棲蓬牖焉知懷葛澶一從朝籍溷始歎弈碁新局趣
難高枕艱危易積薪扁舟儻東海往欲問垂綸

不救孤生蹇常憂萬化遷詩書增腐氣風雨惜華年徙宅
妨原魯拂衣懷仲連金門容大隱曼倩世疑仙

勝日消談讌閒雲任毀譽清和真一酒寂寞太元居雪地
常穿履花時屢借車平生眷游從薶復去踟躕

皇都盛冠蓋客意問如何絲竹中年感風雲壯氣磨艱難
餘骨肉迢遞向關河未有江鄉橘能堪遂笠蓑

荏平遇雪

夜色昏如墨驅車欲四更野風吹夢斷人語覺寒生黯黯
林煙積搖搖戍火明無爲歎行役襁褓俟春耕

雪霽登嶽光樓

聊城三日雪樓閣晝冥冥日出齊烟白雪迷岱色青飛花
山店啟橫簾漕旗停稍喜逢三白秋成祝四垌

雪中放歌示袁鑾身同年

銓東昌作

天地一寥泲街柝何沈沈城中雪盈尺璀璨曲池平春風

十里銅街白碎踏瓊瑤酒家陌蠟燭烟青獸炭紅玉椀梨
花飛一石紫雲坐我東碧玉歌我西我於其間醉兀兀夢
寐不復聞天雞芳華弃擲歸何有枉復城南浪沽酒馬蹄
蹴跋車塵昏驅車百里齊東門邨醪盈椀醉不得野戍荒
屯愁殺人魯連臺畔三更月海上金丸隱明滅嶽光高樓
與子登拂面顛風飛玉屑歸來旅壁同僵卧隔院琵琶夜
深懦底須溝瘠有窮夫美錦纏頭祇何柰丈夫行路嘗阻
艱清歌美酒置等閒虎頭猿臂好身手與爾射獵歸南山

濮州過莊子祠

大道將誰挽黃虞世早湮孔顏終陋巷濠濮有斯人嘯傲
輕王霸文章闕隱淪驅車向何所愧我逐風塵

經明潞王墓下作饗殿今爲佛寺矣

殿閣沈荒草鐘魚傍野僧銅盤猶有託金盃竟無憑帝子
虛乘蘇春人怨泣冰燕山一回首風雨十二陵

百泉謁孫徵君祠

慕道在夙昔及壯空蹉跎昭代數儒宗容城昔來過百泉
三日遊清風生薜蘿修竹閼山徑當時此軸邁天地昔元
黃江海一洪波橐籥爲楊左壯節先嵯峨晚蹈倦徵辟泉
源足巖阿慨時學有門朱陸方殊科行身由孝弟涂軌何
偏頗快哉湯耿流負笈越關河青雲士有託如石得剖磨
不附驥尾彰空山徒嘯歌我來思儼室居遊孰觀摩矧無
一畝羸奔走當如何

示內

我幼本孤特七齡喪雙親阿姊撫育之孩提及成人弱冠

事書策饑驅走踈踈登第漸三十東曹陪薦紳經營始家
室有女出西秦謂言可永諧一載東華春從無忤言色但
有同苦辛慘念何可復悽悽弱草塵兩年守京國遺挂劇
傷神似續歎靡託兩世存一身室家緣再造黽勉冀良姻
吾先抱世德屈抑長隱淪天道果弗誣報食宜振振人家
有衰盛端由夫婦倫夕燈在筐績晨祀宜藻蘋前塵愴我
懷後助賴子仁

抗志在夙昔少小氣蓋世立身比嵩華齷齪恥流輩及壯
百踈踈疚心多夢寐一身不自理矧曰四海志天意欲相
成卑棲聊不試以茲平生心斂退就閑置家風本儒素澹
泊又吾意文史足優游青雲有高契曹司作中隱祿仕但
云寄昔者卻缺妻奉饁同耒耜亦聞老萊子負戴不相棄

雖余愧芳躅望子能古誼黔婁婦難爲安命庶得遂
有姊在遠方老病又寡獨相依以爲命幼小託顧復不見
今七年寄食久戚族雙鬟况未嫁悵望勞遠目踟躕別君
行馳此萬里轂言將一舸還來養就杯菽餘荒有衰志百
事自顛蹙長聞言申申庶免行祿祿春明半畝宅薄俸行
可餽瓜法東陵種酒如南村漉春秋還著書旦晚數進粥
骨肉永團樂所願良亦足人生貴自得詎羨萬鍾粟

洪泉陳冀子山長

祖望

惠讀新詩賦呈長句

蚤聞驚座說陳遵親見舉比衛水濱四海幾人推老宿百
年多感閱風塵壻鄉好住愁生髀昨就婚春廡能容便作
鄰把讀新詩最惆悵潘郎衰髮亦秋純

奉和湯敦甫閣老

金釧

游龍杖歌同韻

晨章乞退承明廬百年晚節從康娛東華養老宅一區清
風亮節羣論孚方袍幅巾跣履朱腰腳老健便雙鳧小園
愛植游龍株秋風紅紫花扶疎歲晚取材蕭落餘挺立直
幹神先殊匡牀坐對心踟躕呼童拔取連其柢支離根萼
歸剛鋤天然爲杖供攜扶中堅外直色不枯霜皮瑩紫羞
明玕耆英倚植同康塗穩步不數丹蚪鬚平泉花石百卉
蕪水洪零落人迹虛誰能拂拭陳天都什襲杖咸接履趨
此材幸得緣階除從容繩削力不劬作詩示客客歎吁謂
此爲製世所無桃竹赤藤良弗如方今國事集蓼荼艱難
大步誰實俱公雖抑抑辭金鋪未可前後忘噶于願公良
東勤蓄儲持危扶顛日有須登龍有願力慚吾以詩爲質

行將圖

將發衛郡留別內兄施孟餘通守

惇

懶逐從官出送迎
夜窗還理讀書檠
慚眞玉樹蒹葭倚
好是春風棣萼情
何日歸期探宛委
與君奇觀約滄瀛
驅車我亦王程在
未許寒氈送老生

陳冀子丈有詩贈行別後次韻奉禽

先生瀟灑五侯賓
旅食委蛇漸老生
沽酒臨邛曾作客
鼓刀清衛不逢人
相逢漫許文章貴
暫別仍思杖履親
高調陽春勤自惜
行歌那不笑儒巾

許昌夜雨

倦客孤衾擁寒篝
竟夕焚不知深夜雨
曾共綺窗聞遠戍
迷征鴈荒臺鎖亂雲
青山歸路好濃綠
定敷紛

東里謁國大夫祠

不有與人謗誰能衆母任名開循吏傳道契素王心井里
風流渺田疇麥秀深時艱正須策惆悵拜荒岑

襄城驛賦新柳

依依山郭夜黃昏細雨空濛欲斷魂憶向河橋折楊柳東
風吹過總無痕

赤壁感懷偶作

大江橫槩態何雄萬舸旌旗一炬空五丈原頭星忽隕人
間何事不東風

舟夜

羸得緇塵染帝都扁舟歸去夢魂孤誰憐夜雨雕青鬢
又見春山長綠蕪薄宦支離慚骨肉壯顏憔悴惜僮奴江
干亦有鴟夷棹進盃空山悵老夫

岳口感舊

北風吹雨急挂席渡荆門岳口夜深泊雞鳴何處邨峭寒
增水氣殘月落沙痕去日江干路重悲旅客魂

大別山作

青山如對語隔岸出菰蘆野色屯雲夢江聲走蜀吳山川
宜作鎮樓閣倦提壺歸去篷窗卧蕭蕭客夢孤

舟中詠鴈

到處逢新鴈扁舟又楚鄉春風上楊柳落日滿湖湘歲月
禁離別關河極渺茫持書願相寄江路幾迴腸

洞庭乘風日行將三百里鹿角擬訪吳南屏孝廉

領樹

不果

東風作浪鼓江豚漸漸雲帆去馬奔湖上孤峯殘雪影日

邊歸鳥暮烟痕十年南北風濤狎萬頃沅湘日月渾想得
村林魚稻熟讀書聲裏掩柴門

舟中憶海秋作

荳蘭哀怨接湘纍幾日浮邱挹袂來萬古關門蹲虎豹百
篇匪匱走風雷功名雲薄生徒壯恩怨山重死亦灰一過
西州愁痛腹青山何處酹餘杯

雨後登祝融峯頂夜宿上峰寺

蒼茫七十二芙蓉絕頂天開第一峰咫尺帝闕通警效萬
千雲海盪心胸殷雷夜走何山雨積雪春留太古松暫倚
蒲團出人世五更寒浸石樓鐘

山家

山家臨水住茆屋倚山斜篠竹綠成徑菜花黃一涯晚檐

晴負鍾春渚淺籠茸少小疎田里風塵惜歲華

發衡山縣

蹴客停歸棹瀟湘春水生東風連夜雨吹綠滿江城漠漠
煙中樹依依篷背聲曉來將五兩還戀嶽峯晴

江漲

孤舟趁春水牽纜出林梢薄日籠黿沒寒烟草樹交羈魂
愁野戍小泊倚山橋江路希儔侶詩情嚮寂寥

江晴

一雨將春盡江天不肯晴水田深映蛤山木暗藏鶯渚日
穿雲斷林花夾岸明我行殊未已隴畝又新耕

舟夜

缺月暗楓林寒煙生極浦夜來湘水上何處神靈雨

雨泊祁陽

漸憑青篷響未衰朝來新漲壓江湄孤舟春盡無人覺永
夜寒生有夢知海燕掠波風翦翦巖花堆鴈雨絲絲溪山
不用頻迴首鎖日收帆向水涯

三月十一夜舟中大風雨雹作

浹月困陰霖晨曦曠塗滯新霽願所欣驟煥理誰訥維舟
依港汊宵燭伴孤醒盤空雷鼓殷破隙電旗頻懸知風雨
大纜索益椿脰黯黯逼江濤模糊想桅頂狂飈漸揚箕遠
響如沸茗離絃忽萬箭裂竹擬千挺始覺急傾盆旋訝猛
掣挺椎鋒下魁礪擊柁飛鉅鉞雨聲碎礚兼風力縱橫並
飄飄危昏藥棚側戰孤艇漏溼連茵褥擲傷懼顛顛掀翻
伊何爲乞罷猶未肯聲揚倏破柱氣出若升鼎斯時瀉滂

沱乃得舒欬警舟人起絕叫戰慄語猶噤船箱持火看餘
顛拾光炯明如奇珠瑩大或圓卵等誰令窮狙鬪毋乃乖
龍到翕忽勢徐收波濤重滉漾如當觥籌戢賓客各酩酊
昔聞春秋義書災義殊覈陰陽舛伊何天意直很婢但當
哀襁襁未可害腫町甘澤久霑渥譬食已得餉時陽宜有
徵衰瘠望倉廩

舟泊浯溪謁元道州顏魯公祠堂觀中興頌磨崖

春風來泊祁水船浯溪水石清而妍九疑南望青綿延瀟
湘如帶橫其前丹崖翠嶺左右踞招提對立叢祠煙谿流
繞出聲濺濺雲嵐樹石各有態一步一勝相迴旋唐家日
月天雙懸南內淒涼殊可憐重歡父子亦天幸此論至公
吾不鐫當時朱李亦跋扈憂危或者明幾先不見丈夫甘

爲攀賊死萬古忠魂悲握拳茫茫宇宙代有事古來黑劫
愁戈鋌世無常山破賊手樂志誰得就林泉漫卽粲粲本
英傑尙賊不擾孤城堅亭臺五十此營宅千秋金石猶星
懸嗟哉海內邦伯幾那得十輩如公賢願生山水徒有癖
剖符裂竹誰其肩罍樽杯飲便思醉坐待山月來娟娟

登湘山寺浮圖絕頂

我從洞庭湘水入江處西南直到湘水源青山不斷一千
里兩岸騰擲蛟龍窩卸帆日夕湘山麓側嶺橫峯堆簇簇
妙明壙高山四圍玉立于盤裏山腹湘江如帶橫腰去漱
灑江風明雪縠漫山春木鬬青紅窈窕僧房半修竹昔遊
一別今幾載澗草巖花歲時改春深靈雨鉢龍歸日暮顛
風鈴鶉在我欲從僧營一椽老僧與我同羈纏有身長住

豈云達無田不退甯非貪松花開落薜荔菴山槿布熟溪
毛甘世緣不深道力薄山中龍象吾其慚

桂林小住同人連日觴讌相招次虛谷同年韻留別兼

懷故人商楚原

書落

龔孝先

窮也

邂逅間身便欲居鞭絲重理一踟躕田園歲事收黃獨樓
閣人家在碧虛竝世論交思德秀十年題柱笑相如若爲
出處論身世且欲空山盡五車

烟雨溪山話耦耕仙舟縹緲載同行風塵鬱鬱孤誰語宦
學勞勞百未成暮雨關河仍遠道春風絲竹感平生湖山
幾輩相招約棹燭清樽繫我情

曩識黃香甫於呂禮北師別十餘年復值桂林出示詩
草奉題長句並柬李小廬

戰酒當時詣子雲高樓風雨感斯文小山叢桂渾猶昔落
日蒼葭獨見君擬乞雄文投監者劇憐蠻語習參軍西園
梧竹蕭騷在惜泊征帆慰惜羣

夜飲小廬齋中同香甫作

池館何清寂眞宜坐嘯賢其人似昌谷有集過斜川竹露
驚秋早荷風送晚偏幾時花下醉長憶酒如泉

歸柳州泊蘭麻作

微雨斷菰蒲空山響鷓鴣天圍羣嶂小雲逐片帆孤戍火
樓林暗灘聲破峽纔十年離別後風景惜歸塗

重謁柳侯祠詣羅池書院留別同學諸子

寂寞羅池館春風別幾年蕉花明晚日榕葉闇秋煙文字
尚遷謫山川富遠偏從來荒僻處今古此心傳

昔者荷衣拜頻年膏火焚功名慙壯歲哀樂感斯文桑柘
心徒戀雲山手重分幾人尙遊釣徒倚對斜曛

平南晤劉嗣菴大兄

繼榮

扁舟微雨岸樽酒暮鍾時老去生涯拙別來人事悲艱難
仗扶掖索莫見棲遲持底能相勸儒冠空自疑

將達廣州泊大通窩

落帆依估市秋漲市橋過雨氣兼潮暗花香在水多畫船
消綺縠廢苑積烟蘿今夕仙城月燈前笑語和

抵廣州來小病柬子穆子實

西風淅瀝響枯荷惆悵仙城一月過杜牧歡情愁裏誤文
園渴疾酒中多閒窗永日涓鑪鼎敗壁幽霖長薜蘿賴是
天涯未寥落頻勞丈室問維摩

贈張南園丈維屏

蚤聞詞賦動江關解紱滄洲鬢雪斑老著異書如桂史近
傳逸句似香山春風劫火狼機石明月清歌荔子灣好是
純鱸供歲晚草堂絲竹未應閒

游光孝寺

佛祖談經地虞卿故苑存千霜餘寶樹百劫信風旛秋色
明花塔夕陰沈紺園清池獨瀟灑海月印山門

中元夜飲江上有作

撥櫂中流去城頭夜幾更笙歌華月暗燈火怒潮生異蘂
青蓮茁狂波玉女橫酒船歸獨曉烟水豁空明

夜飲海山園

花氣濃薰酒琰渾闌千香沈露荷翻樓臺玉笛風生座燈

人寒潮月到門漫擬糟邱營太白祇宜金谷醉劉琨觥船
夜散臙脂水歌舞岡前漏點繁

張少蓮司李

茂

邀遊白雲山病不克赴

攬石迷花夢裏曾十年長阻一孤藤何期躡屩君方健轉
惜觀濤僕未能海國涼風孰伏枕蕭齋微雨獨篝燈蒼山
寂寞安期在擬乞雲泉水數升

旅中雜詩

數椽衰屋儘棲遲花木清寒與我期秋樹亂蟬多急響夜
窗涼月有橫枝池頭綠水新浮鴨城角青山淺畫眉十笏
禪情正寥次打門有客送新詩

隣院蕭蕭閉落暉老榕閒看百年圍籠詩古壁荒僧斷葺
易空堂弔客稀鐵槍鈴聲敲月碎石幢旛影趁風飛門前

車馬銷塵土池閣清涼好息機

朝漢高臺白日低寥寥今古望中迷陸梁新道中原絕樓
櫓雄軍上將提霸業蒼涼餘錦石謗言萋斐痛文犀風流
不見蠻夷長高塚荒涼拜島黎

鴟絃彈出淚滂沱新語頻番語夢婆蜀道山川愁滿醬漢
庭珠貝笑篷科魚龍偃蹇秋江靜射虎縱橫夜壑多聞道
傳烽又西夏中原韓范問如何

東西池水抱新城萬戶笙歌雜語鶯大纛高牙雄鎮在畫
樓朱檻麗人行估船競買巴菰葉商女哀彈碧玉箏夜向
河隄橫櫂去江心燈火達天明

道長依然笑寓公甞時流滯惜飛蓬湘纍有姊騷誰續王
粲無家賦漫工青眼蛾眉多負負好春閒日太匆匆一編

嶠雅何人擅雲韞新粧泥客中

不放天涯把琰疎鵬鷖有客勸行酤蛋娘高織青絲髻蠻
女羞呈白雪跌明月碧紗巢翡翠小槽紅酒滴珍珠漫言
中是唐徧淚陶令閒情正有無

穩卧仙人綠玉筇水鄉開到木芙蓉射堂新展花園鵲藥
裏頻將骨出龍花腳攪眠秋作市錦囊貪露夜鳴鐘微雲
掩月誰家夜隔院琵琶唱懊儂

贈子實赴禮闈

畫船四壁花生香綠蛾紅粉金釵行明燈熠燿銀河光鵬
絃迴撥客思醉我方困矣君其忘人生頭顱幾三十鍾鼎
事業吁可傷縱橫跌宕不稱意謬以歌酒當慨慷君年最
少抱英特如日初出升補桑文詞脫筆驚老宿猛虎肉飲

飛而張京師與我一載別相逢不道同海鄉東風馬耳置
萬事沽酒要滌梨花粧羅浮明月中庭方美人嬋娟昵我
旁參橫月落客夢醒翠羽夜寒天有霜君今捧策復燕市
朔雪掌大凌風揚玉堂金馬多故舊要子執戟棲明光我
行滯滯慘言別寥落那復成清狂城南諸子儻相問蒲澗
挽食春松肪

夜讀致翼堂詩

秋林闇闇天欲霜十月海風砭骨涼草堂夜靜百蟲響疎
星屋角寒生芒炎邦此景那易得窮秋一雨祛燄陽好詩
一卷恰在手伏几喜剔寒燦光鬱潯奇山萬峰矗要巨手
擘開混沌暮蟬秋黽歎衰靡零落九芝叢桂荒文人慧業
自天出子猷奇服瓊廳賡平生編紉算有幾死喪翻覆夫

何常及君相好踰十載有惡能救美可將比來所造益深
寢胎原屈左役馬揚昌黎眉山古作者嶺海放逐奇氣張
鄉關如咫尺拓游跡看子推激神飛揚勃支頰熟火雲熱素
馨花發椰酒香畫船簫鼓夜深醉越女一笑傾千觴海濱
鯨鱗暫尾戢牛相况容杜牧狂北斗闌干天一方東山高
詠曾升堂牛腰卷軸此萬古驥尾附名吾可望大言儼惑
久要在北客試探唐子方

祇梅次子穆韻

老屋寒蟾抱孤影紙窗風破殘河耿夢回欹枕沁香聞膽
祇一枝助清鬢華寺歸來三世生前身寥落問青冥聞根
未斷塵緣在惘惘碧巖烟穗青

感懷疊韻

駛駛雲鬢香霧影綺窗月落明星耿匆匆流水別經年海
國新霜暮天驚自憐風節太孤生離思天涯日杳冥死別
吞聲生別怨支離潘鬢不成青

蠲齋

遊華慶作

郡邑愁卑溼偏宜小鳥肥乍驚風雨勢難語雪霜威地僻
聚成市天陰潛入幃先生斷幽夢車響復依依

蛙鼓

何許公孫輩居然兩郡成隨風喧野戍帶月鬧殘更海國
天長潯村樓夜不驚料應足官廩東海笑長鯨

子穆歸平南再疊瓶梅詩韻

惻惻霜風欹帽影天涯作客心精耿人生離合正何常落
日浮雲暮相警江上梅花太瘦生相逢沈醉問蒼冥春風

有腳知何處明日歸帆天際青

代人題制府公十駿圖長句

神駒變化來天池獲其一已天下馳公門列廐富材駿騏
驎十輩臨風嘶玉頂鐵驪雄項頔大青小青花如綴古黃
拳毛頸黑鬣赤騮權奇精嚼齧唐公嘯騶何足異飛兔出
閑千里雪花駿顛玉身繡雲紫電垂梢眼懸月其餘翼鬣
各殊駿亦有蒼螭銀杏葉圖成弄影對花林十驎何須歎
回鶻昔者兵曹謁上卿羣中一顧氣縱橫晨搖玉珮玲瓏
緩夕下金坡蹶褭輕公之相馬今伯樂萬里驍騰爭向幕
大人神用世豈知兔胄功成馴海鱷虎節龍旌錫馬蕃披
圖——看雲屯駑駘驅策成何用芻秣空衙廐養恩

題黎簡山人詩集用蘇賡堂給諫

延魁韻卽贈

風騷一代幾人傳到此窮通不繫天餘地質張應盡闢當
時元白竟誰先江湖浩蕩思前輩鵬鶚聲名自昔年便欲
從君賃春廡草堂誰送買山錢

贈余竹巖孝廉

廷槐

赴禮閣作

禺岡雲氣鬱模糊散髻斜簪卧一廬華屋罷彈孤士淚青
山長傍美人居蛟龍漫掇池中物風雨頻翻篋底書大庾
梅花正香海新裝好趁計人車

寓居時花數種盛開

海鄉春事早花氣滿精廬夜月明都勝東風放鼠姑
香國住祇覺睡魂蘇却憶城南陌濃芳定幾株

夜聞子規

倚枕正無寐空齋夜色迷不知何事苦祇是盡情啼詞客

魂先斷孤臣淚暗搗哀蛩胡太切春半已悽悽

翰臣修撰書來卻寄並呈言老

越渚春來晝日閒錦機飛墮五雲間支離遠夢迴青瑣
泚風塵惜素顏窮海晚春花寂寂異鄉寒食雨潛潛城東
頭白都官在學舍卑樓正擬還

葉蔗田

應陽

盧伯才

邦杰

兩君攜酒樂泛舟

省郎清興數攀追蘭橈東風信所之遲日園林新雨後仙
山樓觀暮鐘時華筵擁別人情好曲臨眠香蟻夢癡何處
流鶯聲四五明朝相望卽天涯

自寶積寺入延祥遂登伏虎崖

古剎南山麓仙鄉得初境入門天宇曠離立萬松靜一徑
披蒙密行穿薜蘿永翠沾衣袂溼靚入客顏冷招提出樹

聞已歷萬重嶺祇言入雲深頓立雲外景泉飛龍子窟石
臥斑奴影雲中老鶴欬風落送虛警

沖虛觀爲葛仙東菴

獅峯在東麓路出麻姑潭透迤邐村隴間葛仙有遺龕一從
令來游仙峯世早諳銅龍半灰爍丹竈化煙嵐我觀古仙
人著述祖莊聃長生有真訣彭仇絕狂貪安期亦世豪挾
策事高談逢時苟不合海上飛鸞驂大笑麻與劉鼎鑪曰
耽耽

循長壽淵數里探水簾洞

亂石蹲熊羆奔流挾風雨雙厓積鐵高橫石褭相挂下臨
百丈潭赴壑長蛇舞上窺千仞壁縹緲萬靈聚探奇緣澗
曲腰膈奮輕舉猿升復蟻旋半壁見飛組懸知春流大出

盤蛟龍怒縱橫破天門跑趯裂地戶亭亭西崦暮返照落
溪隔青紅一炤爍啁嘶亂棲羽不知何寺鐘鞳鞳震幽阻
惜哉仙人居荒徑塞榛莽何仙祠以阻絕未登

入黃龍坐洞門石橋下觀流泉

岩堯天華宮言指雙瀑間蜿蜒兩玉龍舞落青雲關四山
苔蘚合澗涇太古斑飛虹跨龍口窈作蛾眉彎方當春瀑
微巨石出爛熳坐石濯清流繞足鳴幽瀑冷風生雨腋憂
煩豁心顏吾將操五絃一鼓終閑閑

黃龍洞謁四賢祠下尋蝦蟇潭

天華渺不存仙宇幸可望崇祠祀昔賢清風啟留張張儉正張傑

元公亦來遊蓮池幾徜徉宦學各有趨登臨夫何營白沙
此邦彥褭足空謠章乃知顏孟徒同頁舍瑟狂景行話方

躡俎豆要弗忘澄潭閼幽怪崖巘蔽欄樟坐疑混沌來未
覩日月光毋將蛟鱷潛一日雷風翔

夜宿延祥大風雷雨

寒山住幾日夜夜明星大晝遊腰腳倦飽飯西堂臥狂飈
攪半空勢若天瓢注礪礪轉掣之怒豈乖龍情雷公相激
薄久乃一柱破山寮衆響寂佛火夜深孺疾如萬筈發始
得傾盆播當其鬱戰門懍懍起危坐神靈想虛空莽蕩雲
旗簸靈湫彼何神作勢毋乃過泉源有幽祕掃滌定塵瀦
雨後登華首臺入合掌巖觀瀑

山中一雨過處處飛晴雪流雲出香臺幢蓋尙明滅青松
淨膏沐瑤草秀芬潔深巖轉雷殷蒼碧明列缺濺石勢之
餘快若珠湧穴頑心苦塵縛震響萬緣絕浮情不奔騰悲

思但淒咽何年巨靈掌拱立此截業誅萌行面壁耳目付
扁閉

舟中獨飲徑醉憶京華諸子

梅仙矧鑠神仙癰時聞脚涇停齋尉伯言先生舍人三爵鼻觀

羶位西舍人說經好與南豐吳編子序臺郎耽睡醉駒呼伯韓龍

伯獨醒神瞿瞿昨書達我責我需翰臣撰雅州一行緘札疎

余小坡太守法曹獨處頻傾壺馮魯川刑部風流文采數子都清曹

散直德不孤夜深譔笑出精廬蹇蹶在門雪片鋪歲寒一

別筵復饌海濱浪跡誰與娛飛蚊聚飲羅紅襦陳邨惡釀

苦作茶中人發疾如祝巫扁舟十日來豐湖褰裳載登白

鶴居歸舟稍覺塵脚祛神牙送酒浮珍珠石龍游擊獨觴徑醉

夢蘧蘧九門跌蕩開天衢看花紫陌聯衣裾酒徒擊筑行

鳴鳴清風夾岸吹，菰蒲江月冉冉魂。
獨蘇鯨波鱷浪愁，須臾一舸行乞南風蒲。

永安道中

十日青篷雨山行，放夕陽人家盡修竹。
稻塋半新秧芋粒，山村市花寶饌女裝城。
閭閻稍僻遠，便擬到軒黃。

題永安尉廳壁卽贈孫敬齋少府

德立

作尉萬山中山圍數畝，宮庭閒花照日軒。
靜竹搖風菜把輪，園吏牘書求野翁。
青袍正年少，未合賦郊窮。

永安文信國祠堂賦柬侯丹垣大令

坤元

崎嶇南嶺路何窮，海上青燐泣鬼雄。
萬里巒山嘒野獸一朝殘，刼剩孤忠西風古。
崖龍蛇壁斜日高原虎豹叢，合與諸生同置薦。
春秋薶藻萊王宮。

祠在縣學宮後

丹中風雨望羅浮

翠巖丹嶂隱厖屨，玉女風鬟颺垂雲。
出諸峯，半天上，泉飛寸白露江湄。
漫游累日成空返，小別名山入夢思。
欲與瑤京更重約，泊頭風雨劇迷離。

北上戒期未果，載得翰臣都下書

團欒燈火傍深宵，纔說將離思不聊。
堪笑嬖人愁寶踏，祗慚良友賦弓招。
平生端爲虛名誤，小住偏能壯志銷。
多事梁鴻五噫作，鹿門妻子最逍遙。

北上述懷

人生如萍蓬，風力任飄轉。
所嗟同根株，不得相繾綣。
五載仕京華，羈孤逐塵輦。
心懷骨肉親，氣入風雲淺。
一棹就仙城，雙屐迎淚面。
依倚此窮年，團欒報孤蹇。
誰令百故牽，未

許宿心踐萬里復邁行迢遙悵原嶺徘徊空歲月行李日
敦遣瑣瑣爲恩私依依同婉孌

平生遇輒窮劣得濫科第卑微豈敢歎遭時獨蕉萃朝謁
東曹官夕警南天燧滇波一澆淖幾日得清謐經歲住海
壖邊烽肇斯地重樓列番賈生業各廛肆果其信義降何
必種落忌夜宿酒家樓旋風挾飛衣裳忽倒顛翕習走
魑魅天明巨舶來礮擊重礪碎居然旗鼓震欲作犬羊噬
安堵宰相習訛言亦云異立民惟大信屢渝復何恃

皇仁幸寬大柔遠任疆吏終虞食甚翩不救積薪熾相時
乏良謀作客有深愧

須叔有賢裔

姊丈龔
闕那丞

早聞法家言及余肺腑親乃服道義

敦艱難到骨肉顛倒遺怨恩孤生若冰蘖賴子甘與溫瀟

灑此軒楹盤桓幾朝昏歡然東西頭好樂如弟昆神矰百
步的天馬萬里轅處囊看穎脫辛苦職趨奔寸尺得自効
進退安足論言將別君行獨策遊天闔百年要扶掖夙約
在邱園

別子穆

十年蹤跡逐雲龍北極南溟會合重作客衰顏逾我瘦買
山清興向誰濃春風緘札題加飯暮雨聞歌悵懊儂歲月
易侵離別適孤帆愁挂越山鐘

別蘭谷

鵬顏蹙鬪世入疑海角年來瘦骨支作客屢彈長劍缺惜
春沈醉落花后異鄉索莫餘青眼早日聲名望白眉獨客
未歸還送我離襟那不淚痕滋

市橋別蘭賓桂浦諸弟

飄泊成累世難危餘幾人卑棲期接武

先世曾宦粵東巡檢

暫蹶始

超塵

桂浦鄉舉未雋

未可秣情嬾應能謝夢親不成須鑑我多愧

涉關津

舟中對月懷廣州寓齋

我別方圓月江頭餘半規四山蟲響急歛客夜眠遲水檻

閒凭好花棚合座宜明珠雙弈弈憶我定搢頤

謂宿氏甥

舟中書悶

懶性思休早羈游獨去遲孤懷憚搖落多病諱親知殘暑

爭秋酷浮塵入夢支篷窗滅清詠愁對數峯奇

峽山縣作

庾嶺頻紆策章流獨泳舫峽深孤縣小江暝一帆高旅食

風濤警清時灌薄豪夜來隣舫笛遮莫亂驚猱

過滕王閣下作

橫江起高閣日日過帆來不值軍門宴誰聞賦客才水天
鷗影澹歌舞蝶裙灰惟有西山色斜陽泛錦堆

玉山旅舍

亂葉覆江船闌干夜火懸烏曉城樹月山暝市樓煙旅病
乘秋劇新寒犯客先雞聲催夢斷離緒觸潛然